



Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellvs**

**Johannes <de Castello>
Albertus <Magnus>**

Antverpiae, 1621

Cap. VIII. Quomodo in quolibet euentu homo deuotus se debeat Deo
committere.

urn:nbn:de:hbz:466:1-44148

sto Iesu ; qui est via ad se venientibus,
veritas, & vita.

CAP V T VIII.

*Quomodo in quolibet euentu homo
deuotus se debeat Deo committere.*

CREDO iam & arbitror , quòd ex hucusque deductis cognoscas , quòd quantò magis magisque te nuda ueris à phantasmatibus , & omnibus rebus mundialibus & creatis , ac per bonam voluntatem intellectu Deo unius fueris , tantò magis ad statum innocentiae & perfectionis appropinquas . Quo quid melius ? quidve felicius ac iucundius ? Super omnia ergo valet , vt teneas mentem nudam sine phantasmatibus & imaginibus , & à quibuscumque implicationibus , vt nec de mundo , nec de amicis , nec de prosperis , nec de aduersis , præsentibus , præteritis , vel futuris , in te nec in alijs , nec etiam nimis de proprijs peccatis solliciteri : sed cum quadam puritatis simplicitate te esse cum Deo extra mundum nudè cogita , ac si anima tua iam esset in æternitate

tate extra corpus separata; vtique non
tractaret sacerdotalia, nec curaret de statu
mundi, nec de pace, nec de guerra, nec
de sereno, nec de pluuiia, & planè nec
de aliquo huius saeculi, sed soli Deo
conformiter totaliter intenderet, vaca-
ret, & inhæreret. Sic suo modo vel nunc
relinque corpus tuum, & omnia præ-
sentia & futura creata; & defige aciem
mentis ac spiritus tui fixè, secundùm
omne tuum posse, nudè & expeditè, in
illud increatum lumen. Et sic ab om-
nibus phantasmatibus & inuolutioni-
bus ac obnubilationibus depuratus sit
spiritus tuus, tamquam angelus cor-
pori alligatus, qui per operationem car-
nis non impeditur, nec cogitationibus
vanis ac vagis implicatur. Fortificet er-
go se spiritus contra quascumque ten-
tationes, vexationes, iniurias, vt æqua-
nimiter inconcussè in vtraque fortuna
perseueret in Deo. Et cùm adest turba-
tio, aut acedia, vel mentis confusio, non
propterea insolefas, aut pusillanimis-
sis, nec propter hoc curras ad orationes
vocales, aut alias consolationes; sed hoc
solùm, vt resuscites te per voluntatem
bonam in intellectu, vt adhæreas Deo

B 3 mente,

mente, velit nolit sensualitas corporis. Deuota namque anima sic debet esse eum Deo vniata, & suam voluntatem diuinæ voluntati tam conformem habere & facere, quod se cum nulla creatura occupet, seu adhæreat, sicut dum non erat creata; ac si nihil sit præter solum Deum, & ipsam animam. Et sic vniuersa & singula æquanimiter de manu diuinæ prouidentiæ securè & infallibiliter accipiat, sustinens vnitimente in omnibus Dominum in patientia, tranquillitate, & silentio. Qua de re nudare mentem ab omnibus phantasmatibus super omnia valet ad vitam spiritualem, ut sis per bonam voluntatem vnitus Deo in intellectu & conformatis. Prætereà nihil erit medium inter te & Deum: quod sic paret, quia nec res aliqua ab extra erit medium, cùm per votum voluntariæ paupertatis ablata sit omnis rei possessio usque ad ultimum; & per castitatis votum corpus, & per obedientiam voluntas & ipsa anima; & sic quodammodo nihil relinquitur, quod mediat inter te & Deum. Quod autem Religiosus sis, probat professio ipsa, status tuus, & nunc habitus tuus,

DE ADHÆRENDO DEO LIB. 31
tuus, & tonsura, & similia huiusmodi:
sed an fictus, an verus Religiosus sis,
tu videris. Animaduerte ergo, quām
grauiter de generes & pecces in Domi-
num Deum tuum, & in omnem eius
iustitiam, si secūs egeris, & creaturæ
potiūs quām Creatori ipsi voluntate
& amore inhæseris, creaturam præpo-
nens Creatori.

CAPVT IX.

*Contemplatio in Deo, quatenus om-
nibus alijs exercitijs est præponenda.*

ET quia omnia citra Deum sunt ef-
fectus & opus ipsius Creatoris, ha-
bentia posse & esse, & quidquid sunt &
possunt, limitatum, & vt ex nihilo pro-
ducta nihileitatibus circumdata, & ex
se ad nihilum tendentia; necessariò mo-
mentis singulis suum existere, conser-
uari, operari, & si quid in eis est, & sic
per omnia ab ipso summo opifice Deo
recipiunt, tamquam verè ex seipsis sibi
& alijs insufficientia, ad cuius opera-
tionem sunt, sicut nihil ad aliquid, fini-
tum ad infinitum. Quapropter in solo

B 4 eo,